



ИСЛОҲОТЛАРДАН АСОСИЙ МАҚСАД — ҲАР БИР ИНСОНГА МУНОСИБ ШАРОИТ ЯРАТИШ

Президент Шавкат Мирзиёев 21 июль куни Тошкент шахрининг Сергели ва Олмазор туманларига ташриф буюриб, саноат корхоналари фаолияти, маҳалла ҳаёти билан танишди.



Давлатимиз раҳбари дастлаб Сергели туманидаги “Alutex” корхонасида бўлди.

Мамлакатимизда муқобил энергетикани ривожлантиришга катта эътибор қаратилмоқда. Хусусан, қуёш панеллари ўрнатиш бўйича кенг кўламли ишлар бошланган. Бу алюмин профилларга талабни оширмоқда.

Жорий йил май ойида “Alutex” масъулияти чекланган жамияти томонидан ойна ва қуёш панеллари учун профиллар тайёрлаш лойиҳаси ишга туширилди. Бу корхона 350 дан ортиқ турдаги, йилига 36 минг тонна алюмин профил ишлаб чиқариш қувватига эга.

Давлатимиз раҳбари бу ердаги иш жараёни ва маҳсулотларни кўздан кечирди.

— Дунёдаги етакчи компаниялар билан биргаликда умумий қуввати 15 гигаваттдан ортиқ қуёш ва шамол станцияларини барпо этмоқчимиз. “Яшил” энергетика — маҳаллий ишлаб чиқарувчиларимиз учун тайёр бозор, катта имконият. Фақат асосий талаб — сифат, — деди Президент.

Корхонага Италия, Жанубий Корея ва Туркиядан энг замонавий ускуна ва

жизҳозлар келтириб ўрнатилган. Натижада 400 та янги иш ўрни яратилган. Сентябрь ойидан қўшимча янги 130 турдаги алюмин профиллар ишлаб чиқариш йўлга қўйилади. Импорт ўринини босишдан ташқари, маҳсулотларнинг бир қисmini экспортга йўналтириш режалаштирилган.

Давлатимиз раҳбари 2019 йилда Чилонзор туманига ташрифи чоғида

“Ориент керамика” корхонасини бориб кўрган, унинг фаолиятини кенгайтириш муҳимлигини айтган эди.

Шундан сўнг Сергели тумани ҳудудида яна бир завод қурилиб, хориждан илғор технология келтириб ўрнатилди. Корхона шу йил июль ойида фаолият бошлаб, 450 киши иш билан таъминланди.

Президент Шавкат Мирзиёев унинг иш жараёни билан танишиб, маҳсулотлар сифатини кўздан кечирди.

Бу лойиҳанинг қиймати 42 миллион доллар бўлиб, йилига 10 миллион квадрат метр кафель ва керамогранит маҳсулотлари ишлаб чиқариш қувватига эга. Маҳсулотлар деярли юз фоиз маҳаллий хомашёдан тайёрланиши боис, хорижикидан бир неча баробар арзон. Уларнинг сифатли, турли ранг ва ҳажмда экани бозорбоплигини таъминламоқда.

Илгари бундай катта ўлчамдаги керамогранит кафеллар юртимизга импорт қилинар эди. Энди уларнинг ўринини тулдириш билан бирга, маҳсулотларнинг ярмини экспорт қилиш ҳам мумкин.

Давлатимиз раҳбари ушбу корхона тажрибаси асосида янги лойиҳаларни амалга ошириш бўйича кўрсатма берди.

Шу ерда Тошкент шаҳри туманлари ҳокимлари билан мулоқот бўлди. Улар тадбиркорлик, бандлик, бунёдкорлик лойиҳалари юзасидан ахборот берди.

— Ислохотларимиз, ҳудудларга бераётган имкониятларимиз натижасида ҳокимларнинг дунёқараши ўзгаришти. Бугун Тошкент туманлари катта-катта марралар қўйяпти. Энг катта масалалар — ишсизликни камайтириш, инвестиция олиб келиш ва экспорт. Мана, “20 минг тадбиркор — 500 минг малакали мутахассис” дастурини бошладик. Бу ҳам аҳоли, ҳам тадбиркорлар учун катта имконият. Яна бир муҳим вазифа — “Яшил макон” умуммиллий лойиҳамиз.

Қўчат экиш, боғ яратиш ишларини давом эттириш, яшил ҳудудларни қўлайтириш, одамларнинг дам олиши учун шароит ташкил қилиш керак, — деди Шавкат Мирзиёев.

Тадбиркорлик, рақамлаштириш, хизматлар соҳасида хориж тажрибасини ўрганиш бўйича кўрсатмалар берилди.

Президент Шавкат Мирзиёев Тошкент шаҳри Олмазор туманидаги Хасимом маҳалласида бўлди.

Бу ерда 1 минг 500 нафардан зиёд аҳоли яшайди. Уларнинг кўпчилиги ҳунармандчилик ва савдо билан шуғулланади.

Давлатимиз раҳбари хонадонлардаги шароитларни кириб кўрди, аҳоли вакиллари билан суҳбатлашди. Нурунийлар маҳалладаги турмуш тарзи, ёшларнинг касб-кори ҳақида сўзлаб берди. Юртимизга тинчлик-осойишталик, хонадонларга файзу барака тилаб дуо қилинди.

Маълумки, мамлакатимизнинг барча ҳудудларида “Обод маҳалла”, “Обод қишлоқ” дастурлари амалга оширилмоқда. Йўллар, муҳандислик тармоқлари таъмирланиб, хонадонларга файз кирмоқда. Бу маҳаллани ҳам “Обод хонадон” дастури асосида ободонлаштириш кўзда тутилмоқда.

— Ҳар бир инсонга муносиб шароит яратиш мақсадимиз ва бурчимиз, — деди Президент.

Давлатимиз раҳбари уйларда ташкил этилган ҳунармандлик устaxonалари ва маҳалладаги кичик кўргазмани кўздан кечирди. Ўзини ўзи банд қилишни кенгайтириш, туристлар учун савдо ва хизматларни йўлга қўйиш бўйича мутасаддиларга топшириқлар берди.

Иқром АВВАЛБОВЕВ,
ЎЗА муҳбири

Ўзбекистон Республикаси Президенти
Матбуот хизмати сурати.



БУЮК ЎЗБЕК ЙЎЛИ

СИЁСИЙ ЖЎШҚИНЛИК ВА АҚЛ ҲОЯСИ

ЮКСАК ИШОНЧ ВА МУВАФФАҚИЯТЛАРИМИЗ АСОСИ



Тарих ҳукмларга тўла. Бу ҳукм қандай бўлмасин, инсониятнинг ўз эътиқодий ҳаракатлари ҳосиласи экани аён ҳақиқат. Агар шу ҳақиқатлар синчиклаб таҳлил қилинса, буюк фалсафа пайдо бўлади. Уни фикран ўзлаштирадик, ҳар сафар катта-катта ғоявий курашлар қуршовида қолишга тўғри келади.

Шу ўринда савол туғилади: ғоя қандай пайдо бўлади ёки ғоявий бўшлиқ таҳлиқасининг фожиаси нималарда куринади?

Аслиятан ғоя — мақсад, интилиш ва ният ифодаси. У, шунингдек,

кишиларнинг дунёқараши асосини ташкил этувчи фикр ва тасаввур шуури ҳамдир. Ҳая пайдо бўлиши инсоният яшаб қолиши билан узлуксиз боғлиқ жараён сифатида рўй берган ибтидоий ҳодисадир.

► Давоми 3-бетда



ИНСОН ҚАДРИ УЧУН

БАРҚАРОР ТАРАҚҚИЁТ

УНГА ТИЗИМЛИ ИСЛОҲОТЛАР, МАШАҚҚАТЛИ МЕҲНАТ ВА ХАЛҚИМИЗ ИРОДАСИ БИЛАН ЭРИШАМИЗ

Халқимиз ижтимоий-иқтисодий, сиёсий-ҳуқуқий ва маънавий-маърифий ҳаётидаги ижобий жараёнлар шиддат билан давом этмоқда. Инсон қадри улуғланган ва қонун устуворлиги қарор топган демократик давлат, адолатли фуқаролик жамияти қуриш борасида аниқ мақсад ва марраларга тадрижий равишда эришиб келинмоқда. Бу том маънода Ватанимиз тараққиётида миллий юксалиш даврини бошлаб берди.

“Миллий тикланишдан — миллий юксалиш сари” тамойили асосида узоқ муддатли стратегик мақсад ва вазифалар орқали инсон, унинг ҳаёти, эркинлиги, шаъни, қадр-қиммати ва қонуний манфаатларини сўзсиз ҳимоя қилиш, бу борада кечиктириб бўлмайдиган чора-тадбирларни амалга ошириш биринчи навбатдаги вазифалардан саналади.

ДЕМОКРАТИК САЙЛОВЛАР ЯНГИ ИМКОНИЯТЛАР, ЯНГИ МАРРАЛАР САРИ ЕТАКЛАЙДИ

Президент сайлови янги тахрирдаги Конституциямиз асосида ўтказилгани ўзига хос рамзий маънога эга бўлиб, унга чинакам халқчил рух ва мазмун бағишлади. Сайловлар яна бир бор халқимиз сиёсий

иродаси ва ҳуқуқий маданияти, мамлакат эртаси учун дахлдорлик тўғриси тобора юксалиб бораётганининг чинакам нишонаси бўлди. Давлатимиз раҳбари таъбири билан айтганда, “Ушбу сайловда халқимиз ўз хоҳиш-иродасини эмин-эркин билдириб, Янги Ўзбекистон учун овоз берди, деб айтишга барча асосларимиз бор”.

► Давоми 5-бетда



БУГУННИНГ ГАПИ

ИНВЕСТИЦИЯЛАР

ЭНГ КИЧИК ТАРМОҚДАН КАТТА СОҲАЛАРГАЧА
ЙИРИК ЛОЙИҲАЛАРГА ЙЎЛ ОЧМОҚДА

Иқтисодиёт аниқ ҳисоб-китобларга таянадиган, натижадорликни ҳуш кўрадиган соҳа. Шу йўналишга хос термин билан айтганда, уни инвесторга ўхшатиш мумкин. Яъни сармоядор истикболли деб билган, натижа олишига ишонган бизнесгагина маблағ киритади. Бу маблағ ўша лойиҳа ёки тармоқни янада ривожлантириб, бу орқали юрт иқтисодий тараққиётига ҳисса бўлиб қўшилади. Аммо бунинг учун сармоядорни ишонтира олиш, нафақат соҳалар, балки ҳудудлар, мамлакатнинг инвестицион жозибадорлигини ошириб бориш талаб этилади. Бу борадаги кўрсаткич қанча юқори бўлса, тараққиёт шунча жадаллашади.

► Давоми 4-бетда



